

«Астана Тазалық» тұрғындардың алғысына бөленуде



3-БЕТ

Ұлы сезімнен басталған отбасының ұрысқа бола бұзылатыны өкінішті



5-БЕТ

Цифрлық медиация: жедеп әрі ыңғайлы



8-БЕТ



• КӨКЕЙКЕСТІ

# ЗАН

ZANMEDIA.KZ

✉ zangazet@mail.ru

№94 (3723)  
6 желтоқсан 2024



# газеті

Қоғамдық-саяси, құқықтық газет

• БҮГІНГІНІҢ БАС ТАҚЫРЫБЫ

## 2 МИЛЛИАРДТАН АСТАМ АДАМ САПАЛЫ АУЫЗ СУҒА ЗӘРУ



Ел Президенті Сауд Арабиясының астанасында өткен One Water саммитіне қатысты. Жиында сөз алған Қасым-Жомарт Тоқаев су қауіпсіздігі орнықты дамудың, экономикалық өрлеудің және қоршаған ортаны қорғаудың негізі болып саналатынын атап өтті.

(Соңы 2-бетте)

## ЭКОЖҮЙЕ ЕЛДІ АЛАҢДАТЫП ОТЫР

Еліміздің көмірсутек ресурстарының қоры таусылуға таяу. Таяудағы 15 жылда оның түбі көрініп қалады. Өйткені, Қазақстанда геологиялық барлаудың қазіргі қарқыны мұнай өндірудің деңгейінен аз. Мәселен, соңғы бес жылдағы мұнай қорларының өсімі орта есеппен 73 млн тонна болса, оны өндіру көлемі 80 млн тоннаға жетті. Яғни, мұнай қорының толығынан, өндіруіміз қазірдің өзінде 7 млн тоннаға артық. Бұл – мұнай-газ саласындағы зерттеу жұмыстары мен өндірудің арасындағы дисбалансты нақты көрсетіп отыр.

Бұл жөнінде Мәжілісте айтылды. Парламенттің төменгі палатасында «Ағымдағы қызмет және мұнай саласының даму перспективалары» деген тақырыпта Үкімет сағаты өткен болатын. Жиында қосымша баяндама жасаған Мәжіліс депутаты Еділ Жаңбыршин Энергетика министрі Алмасадам Сәтқалиевтің алдағы 8 жылда мұнай өндіруді 56 процентке көтеріп, 28 млн тоннаға жеткізу жоспарының орындалуына нақты деректерімен күмән келтірді. Депутаттың айтуынша, геологиялық барлаудың қазіргі баяу қарқыны мен мұнай өндірудің бүгінгі деңгейі сақталар болса, таяудағы 15 жылда еліміздің көмірсутек ресурстарының қоры таусылатыны анық.

Дұрысында мұнай-газ қорларымыз, өндірулен кемі 1,5 есеге артық болуы тиіс. Қазақстанда көмірсутектердің жаңа кен орындарын ашу үшін бізде қажетті әлеует бар. Геологтар елімізде 76 млрд тонна болжамды отын ресурсы бар және түрлі дәрежеде зерттелген 15 шөгінді бассейнді бөліп көрсеткен болатын. Алайда, 30 жыл ішінде 2021 жылы бір ғана жаңа мұнай кен орны ашылды.

Шын мәнінде еліміздің мұнай-газ саласы әлемдегі трендтер мен Мемлекет басшысының алдымызға қойған стратегиялық міндеттерін ескере отырып жұмыс жасауы қажет. Өйткені, дилемма бар. Бір жағынан Қазақстанның жалпы әлемдік парниктік газ шығарудағы үлесі 0,56 пайыз болса да, еліміз «Париждік келісімді» ратификациялап, «Глобалды метан инициативасын» қолдады. Яғни, біз парниктік газдарды азайтып, көміртектік бейтараптыққа бағыт алып, «жасыл энергетиканы» дамытамыз деп жарияладық.

(Соңы 3-бетте)

• НАРЫҚ ПЕН ХАЛЫҚ

## КРИПТОВАЛЮТАСЫ БАР АЗАМАТТАР ҮЛЕСІ 8 ПАЙЫЗҒА ЖЕТТІ

Орталық Азия және Кавказдың цифрлық қаржы активтері нарығына жасалған талдау қорытындысы жарияланды. Оны RISE Research пен Freedom Horizons «Астана» халықаралық қаржы орталығы, Қазақстанның Ұлттық төлем корпорациясы, Mastercard, KPMG Caucasus and Central Asia қатысуымен жүргізген болатын.

Зерттеу қорытындысына қарағанда: 2022 жылы Қазақстан халқының 4 пайызға жуығы криптовалюталарға иелік еткен. 2024 жылы бұл көрсеткіш 8 пайызға дейін жетті. 2024 жылдың 8 айында АХҚО цифрлық активтерінің лицензияланған провайдерлерінен салық түсімдері 367 мың долларды құрады. Ал 10 айда майнингтен түскен түсімдер 10,4 млн долларға жетті.

2024 жылдың қаңтар мен қазан айлары аралығында АӨҚО криптобиржаларында операциялар көлемі 815 млн долларды құрап, тіркелген пайдаланушылар саны 140 мыңнан асты. Қа-

зақстандық криптоинвестордың орташа портреті де анықталды. Олар негізінен 18-34 жас аралығындағы ер адамдар.

СЕО Freedom Horizons өкілі Қайрат Қалиевтің айтуынша, Орталық Азия мен Кавказ елдеріндегі криптоиндустрия жаһандық трендке сәйкес тұрақты түрде өсіп келеді. Өңірде тек криптовалюталар саудасын ғана емес, сонымен қатар блокчейн негізіндегі жаңа бизнес-модельдерді дамытуға мүмкіндік беретін нормативтік-құқықтық база қалыптасты. Бұл зерттеу нарық қатысушыларына өңірдің әлеуетін, негізгі үрдістері мен ке-



дергілерін тереңірек түсінуге көмектеседі, әсіресе виртуалды активтерге деген қызығушылықты арттырады.

«Криптовалюталар мен цифрлық активтер Қазақстанның қаржы жүйесін трансформациялауда шешуші рөл атқарады. Инновацияларды ілгерілету және сенімді реттеуші базаны құру арқылы біз инвестицияларды тартуға және экономикалық өсуді жеделдетуге ықпал ете отырып, Қазақстанға цифрлық қаржы саласындағы өңірлік көшбасшы мәртебесін бекітуге ұмтыламыз», – дейді Лицензиялау және қаржы технологиялары офисінің (AFSA) басқарушы директоры Еркеғали Еденбаев.

Қазақстан Ұлттық банкі төрағасының кеңесшісі, УҚК Директорлар кеңесінің төрағасы Бинур Жаленовтың пайымдауынша, цифрлық валюталар дәстүрлі қаржы әлемі мен орталықтандырылмаған технологиялар арасындағы маңызды «көпір» бола алады, күнделікті өмірде цифрлық активтерді пайдаланудың қауіпсіз және ыңғайлы әдісін қамтамасыз етеді және екі қаржы әлемінің синергиясына ықпал етеді.

(Соңы 5-бетте)













